

Bosna i Hercegovina  
Federacija Bosne i Hercegovine  
Kanton \_\_\_\_\_  
Općina \_\_\_\_\_

NACRT

UPUTSTVO O DONOŠENJU ODLUKE O INTERNOJ PRERASPODJELI  
ODOBRENIH BUDŽETSKIH SREDSTAVA

April, 2011. godine

Na osnovu člana 33. Zakona o budžetu Federacije BiH (Sl. novine FBiH, br.: 19/06), člana 1. Zakona o izmjeni zakona o budžetima u Federaciji BiH (Sl. Novine F BiH, br.: 76/08) i člana \_\_\_\_ Odluke o izvršenju godišnjeg budžeta općine \_\_\_\_\_ ( \_\_\_\_\_), Općinski načelnik je donio

**U P U T S T V O**  
**O DONOŠENJU ODLUKE O INTERNOJ PRERASPODJELI ODOBRENIH**  
**BUDŽETSKIH SREDSTAVA**

**(Predmet)**

**Član 1.**

Ovim Uputstvom utvrđuje se postupak za donošenje odluke o internoj preraspodjeli odobrenih budžetskih sredstava (u daljem tekstu: Odluka) u okviru ukupnog iznosa operativnog budžeta službi, odjeljenja i ustanova (u daljem tekstu: budžetskih korisnika).

**(Ograničenja u internoj preraspodjeli)**

**Član 2.**

- (1) Budžetski korisnici mogu podnositi zahtjev za internu preraspodjelu sredstava (u daljem tekstu: zahtjev) najviše do 10% ukupno odobrenih rashoda operativnog budžeta budžetskog korisnika. U okviru Odluke o izvršenju budžeta utvrđuje se obim i vrsta rashoda za preraspodjelu.
- (2) U okviru odobrenog Budžeta preraspodjela sredstava izuzetno je dopuštena između korisnika, najviše do 10% ukupno odobrenih rashoda korisnika sa kojeg se prenose sredstva.
- (3) Iznos iz stava (1) ovog člana ne obuhvata naknadne izmjene i dopune budžeta.
- (4) Preraspodjela iz stavova (1) i (2) ovog člana ne odnosi se na dio operativnog budžeta u dijelu bruto plata i doprinosa, kao i naknada troškova zaposlenih i općinskih vijećnika.
- (5) Odgovornost za poštivanje ograničenja iz stava (1) ovog člana snose budžetski korisnici.
- (6) Preraspodjela se može vršiti jednom kvartalno.
- (7) Ukoliko se interna preraspodjela sredstava ne izvrši u kvartalnim periodima određenim u stavu (5) ovog člana, preraspodjela se ne može prenositi u slijedeći kvartalni period.
- (8) Zahtjev budžetskog korisnika iz stava (1) ovog člana sadrži obrazloženje pozicija kod kojih se vrši preraspodjela sredstava.

**(Izrada i donošenje odluke)**

### **Član 3.**

- (1) Izradu prijedloga odluke vrši uposlenik za prijem i obradu zahtjeva za budžetskim sredstvima (u daljem tekstu: uposlenik za prijem) zaposlen u Službi za finansije, org.jednница Trezor, referat pripreme budžeta u skladu sa ovim Uputstvom.
- (2) Nakon prijema zahtjeva za internu preraspodjelu sredstava od strane budžetskog korisnika, uposlenik za prijem, evidentira datum prijema zahtjeva i vrši kontrolu ispravnosti naziva i brojeva organizacionih i ekonomskih kodova, kao i mogućnost same preraspodjele sredstava.
- (3) Mogućnost preraspodjele sredstava se utvrđuje na osnovu podataka dobivenih i potvrđenih od strane Službe za finansije, uposlenika koji vrši kontrolu budžeta i praćenje prethodno izvršenog rezervisanja sredstava budžetskih korisnika .
- (4) Podaci dobiveni od uposlenika za kontrolu se odnose na raspoloživost sredstava po pojedinim organizacionim i ekonomskim kodovima na dan pripreme odluke o internoj preraspodjeli sredstava.
- (5) Ako se kontrolom utvrdi da je interna preraspodjela sredstava moguća, uposlenik za prijem izrađuje prijedlog odluke o internoj preraspodjeli i dostavlja Pomoćniku načelnika u Službi za finansije na donošenje.
- (6) Zahtjev uz propratni dopis s obrazloženjem vraća se budžetskom korisniku ukoliko se
  - (1) kontrolom utvrdi da interna preraspodjela nije moguća zbog:
    - a) neraspoloživosti sredstava po pojedinim organizacionim i ekonomskim kodovima;
    - b) tehničkih grešaka vezanih za naziv i broj organizacionog i ekonomskog koda;
    - c) nedostavljanja obrazloženja pozicija kod kojih se vrši preraspodjela sredstava.

#### **(Provođenje Odluke o internoj preraspodjeli sredstava)**

### **Član 4.**

Nakon donošenja odluke, uposlenik za prijem vrši provođenje odluke u planu budžeta.

#### **(Stupanje na snagu)**

### **Član 5.**

Ovo Uputstvo stupa na snagu danom donošenja i objavit će se u Službenom glasniku općine.

OPĆINSKI NAČELNIK